

## Cé muidne?

Is oifig neamhspleách í an Phríomh-Oifig Staidrimh faoin Acht Staidrimh 1993. Cuirimid faisnéis staidrimh neamhspleách saor in aisce ar fáil chun tacú le tuiscint agus díospóireacht agus iad sin a chur chun cinn ar fud an rialtais, gnó agus na sochaí. Is earra poiblí é staidreamh oifigiúil, agus is ionchur riachtanach é chun sochaí atá ar an eolas a chruthú do mhuintir na hÉireann.

## Fís na hOifige:

Léargas Neamhspleách do Chách

## Misean na hOifige:

Cur síos a dhéanamh ar Éirinn, ar mhuintir, ar shochaí, ar gheilleagar agus ar thimpeallacht na hÉireann trí shonraí indeimhnithe agus faisnéis chruinn agus léargas neamhchlaonta á chur ar fáil ag an am céanna.

## Sainordú na hOifige:

Tá sainordú dlí na hoifige bunaithe ar an Acht Staidrimh, 1993 agus ar Rialachán AE 223/2009 agus foráiltear dúinn na nithe seo a leanas a dhéanamh:

► Faisnéis a bhailiú, a chur i dtoll a chéile, a asbhaint agus a scaipeadh chun críocha staidrimh a bhaineann le coinníollacha agus gníomhaíochtaí sóisialta, eacnamaíochta agus ginearálta an Stáit.

► Staidreamh Oifigiúil, a chuireann údarais phoiblí i dtoll a chéile, a chomhordú

le go mbeimid in ann an fhianaise agus léargas a chur ar fáil chun eolas a dhéanamh do chinnteoireacht ar fud gach cuid de shochaí na hÉireann.

## Luachanna na hOifige



### Neamhspleách

Táimid gairmiúil, oibiachtúil, neamhchlaonta agus gníomhaímid le hionracas i gcónaí.



### Iontaofa

Táimid trédhearcach agus ionraic. Cloímid leis na caighdeáin staidrimh idirnáisiúnta is airde agus cuirimid táirg agus seirbhísí ar ardchaighdeán ar fáil ar bhealach eiticíúil.



### Rúndacht

Cuirimid na caighdeáin is airde i bhfeidhm maidir le rúndacht agus meas ar phríobháideacht sonraí. Cloímid le téarmaí an Achte Staidrimh, 1993 agus an Rialachán Ghinearálta maidir le Cosaint Sonraí agus tugaimid ráthaíocht faoin dlí nach n-úsáidimid sonraí a chuirtear ar fáil dúinn ach chun críocha staidrimh amháin.



### Freastal ar an bPobal

Táimid i dteagmháil lenár gcustaiméirí agus úsáidimid an saineolas atá againn chun seirbhís phoiblí ar ardchaighdeán a chur ar fáil.



### Foghlaim go leanúnach

Táimid uaillmhianach, coinnímid súil i gcónaí ar nithe atá ag teacht chun cinn agus táimid dírithe ar nuálaíocht agus comhoibriú.

## Ár Spriocanna Straitéiseacha

### 1 Sonraí agus staidreamh a iompú ina fhaisnéis agus eolas do chách

#### Leanúint leis na nithe seo a leanas a dhéanamh:

- Clár staidrimh fairsing náisiúnta agus Eorpach a bhaint amach
- Réimse, caighdeán, infhaighteacht agus inrochtaineacht ár dtáirgí agus seirbhísí sonraí a chur chun cinn
- Freagra a thabhairt go sciobtha chun tacú leis an Státseirbhís agus an tSeirbhís Phoiblí chun riachtanais straitéise, phleanála agus beartais phráinneacha a fhreagairt.
- Foinsí sonraí nua agus táirgí staidrimh nuálacha a fhorbairt chun léargas níos mó a chur ar fáil dá n-úsáideoirí
- Teagmháil a dhéanamh leis na húsáideoirí agus páirtithe leasmhara chun a riachtanais tosaíochta a aithint
- Níos mó táirgí atá dírithe ar shaoaránaigh a chur ar fáil trí úsáid a bhaint as uirlisí idirghníomhacha agus cainéil chumarsáide níos fearr
- Tábhacht ár n-aschur a uasmhéadú lena chinntiú go gcuireann siad léargas ar fáil ar phríomhcheisteanna a bhfuil spéis ag sochaí, gnólacha agus lucht déanta beartais na hÉireann iontu

#### Leanúint leis na nithe seo a leanas a dhéanamh:

- Aird a tharraingt ar luachanna na Príomh-Oifige Staidrimh agus ar an úsáid eiticíúil a bhainimid as sonraí
- Creat iontaoibhe trédhearcach a fhorbairt dár láithreán gréasáin, bunaithe ar an Acht Staidrimh, 1993, chun cur le tuiscint an úsáideora ar an gcaoi a ndéanaimid, ar an meid a dhéanaimid don mhaith choiteann agus ar mhaithe le leas an phobail.

#### Leanúint leis na nithe seo a leanas a dhéanamh:

- Éascaíocht a dhéanamh ar an úsáid a bhaintear as mionsonraí anaithnidithe atá rialaithe mar is cuí do chinnteoirí agus don phobal taighde níos leithne

### 2 Ról comhordaithe sonraí (Maoirseacht Sonraí) na Príomh-Oifige Staidrimh a leabú sa Státseirbhís agus sa tSeirbhís Phoiblí

#### Leanúint leis na nithe seo a leanas a dhéanamh:

- Forbairt a dhéanamh ar ról na Príomh-Oifige Staidrimh mar chomhordaitheoir agus maor sonraí ar bhailiúcháin sonraí ar fud na Státseirbhíse

agus na Seirbhíse Poiblí i gcomhréir leis an Acht Staidrimh, 1993 agus le Rialachán AE 223/2009 agus luach agus fóntas na bhfoinsí sonraí a mhéadú ar fud na Státseirbhíse agus na Seirbhíse Poiblí trí leanúint leis na nithe seo a leanas a dhéanamh:

- Cur lenár bhfeiceálacht, leis an eolas atá againn ar ár seirbhísí sonraí agus lenár rannpháirtíocht ar fud na Státseirbhíse agus na Seirbhíse Poiblí
- An úsáid a bhaintear as aitheantóirí uathúla Bonneagair Sonraí Náisiúnta (UPSP, Aitheantóir Uathúil Gnó agus Éirchód) agus trédhearcacht mhéadaithe na sonraí ar fud na Státseirbhíse agus na Seirbhíse Poiblí (infhionntacht sonraí) a chur chun cinn
- Caighdeán, rialacha agus treoirilínte a fhorbairt agus a rolladh amach chun rangú, stóras agus bainistiú sonraí a rialú (NDI+)
- Tacaíocht a thabhairt do Chreataí Bainistithe Cailíochta a fhorbairt ar fud na Státseirbhíse agus na Seirbhíse Poiblí
- Baill foirne staidrimh ghairmiúla ghearrthréimhseacha nó fhadtréimhseacha a chur ar fáil don Státseirbhís agus don tSeirbhís Phoiblí
- Tionscadail shaincheaptha cheannródaíocha a fhorbairt leis an Státseirbhís agus an tSeirbhís Phoiblí chun fianaise agus léargas ar phríomhcheisteanna beartais a chur ar fáil

#### Leanúint leis na nithe seo a leanas a dhéanamh:

- Foinsí sonraí riaracháin, atá á gcoinneáil go príobháideach agus atá ar fáil go poiblí a shainiú, a iniúchadh agus a mhéadú chun Staidreamh Oifigiúil a chur ar fáil, i gcomhar le soláthraithe sonraí
- Tacaíocht a thabhairt d'iarachtaí náisiúnta agus idirnáisiúnta chun an rochtain atá ar fhoinse sonraí atá á gcoinneáil go príobháideach a dhéanamh dleathach chun críocha Staidreamh Oifigiúil a chruthú
- Timpeallacht agus ardán slán a fhorbairt le go mbeidh rochtain ar mhionsonraí atá rialaithe mar is cuí (seirbhís na seomraí sonraí)

#### Leanúint leis na nithe seo a leanas a dhéanamh:

- Córas Staidrimh na hÉireann a fhorbairt i gcomhréir le Straitéis an Bhoird Náisiúnta Staidrimh do Staidreamh, Cód Cleachtais an Staidrimh Eorpaigh, Cód Cleachtais Chóras Staidrimh na hÉireann, agus Creat Bainistithe Cailíochta agus Straitéis Cháilíochta na Príomh-Oifige Staidrimh
- Ról na Príomh-Oifige Staidrimh a mheas i gcomhthéacs Ghníomh um Rialachas Sonraí an AE agus Ghníomh um Shonraí an AE.

### 3 Ár gcórais agus próisis riaracháin, teicneolaíochta agus staidrimh a nuachóiriú

#### Leanúint leis na nithe seo a leanas a dhéanamh:

- Ár gcórais agus próisis staidrimh a nuachóiriú chun léargas agus fianaise atá níos rialta, tráthúla agus gráinní a chur ar fáil dár n-úsáideoirí
- Ionracas ár bpróiseas agus córas riaracháin, teicneolaíochta agus staidrimh a chinntiú
- Rialuithe rialachais sonraí atá éifeachtach a leabú i ngach córas agus próiseas
- Modheolaíochtaí agus teicneolaíochtaí nua a úsáid, de réir mar is cuí, chun feabhas a chur ar chórais agus próisis staidrimh agus an t-eolas sin a roinnt leis an Státseirbhís agus an tSeirbhís Phoiblí
- An úsáid is fearr agus is féidir a bhaint as sonraí riaracháin chun an t-ualach a laghdú dár bhfreagróirí

#### Leanúint leis na nithe seo a leanas a dhéanamh:

- Ailtireacht sonraí na Príomh-Oifige Sonraí a fhorbairt chun samhail seirbhíse a chruthú, áit a stóráiltear agus a mbainistítear sonraí go lárnach
- Ár n-acmhainní chun sonraí digiteacha a bhailiú a fhorbairt
- Ár bhforbairtí cáilíochta a dhaingniú, forbairtí atá bunaithe ar mhodheolaíocht láidir laistigh de shaolré táirgthe staidrimh

#### Leanúint leis na nithe seo a leanas a dhéanamh:

- Réimse uirlisí níos mó a fhorbairt chun tacú le comhoibriú i dtimpeallacht chomhaimseartha oibre na Príomh-Oifige Staidrimh
- Níos mó uirlisí scaipthe atá éasca le húsáid a fhorbairt le go mbeidh úsáideoirí in ann oibriú lenár sonraí gan stró
- Uirlisí anailíse a chosnaíonn príobháideacht agus scrúdú le go mbeidh deis ann do thaighdeoirí rochtain a fháil ar sonraí anaithnidhe fíor-ama
- Uirlisí agus scileanna geospásúla na Príomh-Oifige Staidrimh a fhorbairt le go mbeifear in ann léargas agus sonraí níos gráinní a chur ar fáil agus chun éascaíocht a dhéanamh ar phróiseas bailithe sonraí allamuigh níos glaise agus níos éifeachtúla
- Measúnú a dhéanamh ar úsáid eiticíúil na hintleachta saorga agus na meaisínfhoghlama

### 4 Leanúint de chumas na ndaoine a fhorbairt

#### Leanúint leis na nithe seo a leanas a dhéanamh:

- Cultúr comhionannais, éagsúlachta, ionchuimsithe agus ardfeidhmíochta a chur chun cinn
- Nuálaíocht, rannpháirtíocht foirne agus timpeallacht rannpháirteachais a spreagadh
- Cloí le Dualgas na hEanála Poiblí
- A bheith ina Rogha Fostóra le go mbeimid in ann daoine a earcú agus na scileanna atá ag teastáil chun freastal ar ár n-aidhmeanna straitéiseacha a choinneáil

#### Leanúint leis na nithe seo a leanas a dhéanamh:

- Forbairt ghairmiúil agus phearsanta a spreagadh agus tacú leis an bhforbairt sin
- Gairmiúlacht staidrimh sa Phríomh-Oifig Staidrimh a fhorbairt i measc baill foirne ar iasacht agus ar fud na Státseirbhíse agus na Seirbhíse Poiblí
- Tacaíochtaí a fhorbairt agus a dhéanamh gairmiúil chun freastal ar riachtanais ghnó agus chun feabhas a chur ar éifeachtacht na heagraíochta
- Teagmháil a dhéanamh le líonraí idirnáisiúnta chun cumas na ndaoine agus na heagraíochta a fhorbairt
- Obair a dhéanamh chun an Treochlár um Ghníomhú ar son na hAeráide a bhaint amach
- Ár spriocanna chun fuinneamh a laghdú a bhaint amach
- Seirbhís den scoth do chustaiméirí a chur ar fáil do na húsáideoirí, freagróirí agus soláthraithe sonraí





**1**  
 Sonraí agus staidreamh a iompú ina fhaisnéis agus eolas do chách

**2**  
 Ról comhordaithe sonraí (Maoirseacht Sonraí) na Príomh-Oifige Staidrimh a leabú sa Státseirbhís agus sa tSeirbhís Phoiblí

**3**  
 Ár gcórais agus próisis riaracháin, teicneolaíochta agus staidrimh a nuachóiriú

**4**  
 Leanúint de chumas na ndaoine a fhorbairt

Is as **SONRAÍ**

a thiomsaítear **EOLAS**

lena ghintear **FAISNÉIS**

arb é a thoradh **CINNTEOIREACHT FHEASACH**

**RÁITEAS STRAITÉISE 2024–2025**

Léargas Neamhspleách do chách

Le linn shaolré na Straitéise, leanfaidh an Phríomh-Oifig Staidrimh d'fhorbairt staitistiúil a chur chun cinn sa chás go n-aithnítear téamaí nua nó téamaí atá ag teacht chun cinn amhail:

**An tSochaí**

Folláine, Comhionannas, Éagsúlacht Insne, Imirce, todhchaí bailiúcháin staidrimh an Daonáirimh, Oideachas, Tithíocht

**Comhshaol agus Aeráid**

Cuntais Éiceachórais agus Chomhshaoil, Tionchar sóisialta an athraithe comhshaoil, Táscairí Aeráide, Fuinneamh



**Geilleagar agus Gnó**

Domhandú, an Geilleagar Seirbhísí, Digiitiú, Táirgiúlacht, Margadh Nua-Aimseartha Fostaíochta agus an Timpeallacht Oifige

**Sláinte**

Úsáid na seirbhísí sláinte, anailís shocheacnamaíoch, anailís eacnamaíoch na n-úsáideoirí seirbhíse, anailís gheografach an tsoláthair cúraim sláinte, tacaíocht a thabhairt do sholáthar cúraim sláinte na hÉireann